

DE FORMVLIS
QVIBVS PHILOSOPHI STOICI SVMMVM BONVM
DEFINIERVNT.

SYMBOLARVM AD HISTORIAM PHILOSOPHIAE

PARTICVLA OCTAVA

QVA

PHILOSOPHIAE DOCTORVM
ET LL. AA. MAGISTRORVM

CREATIONEM ANNVAM

DIE XIII. M. FEBR. A. MDCCCXXXIV.

IN ORDINIS PHILOSOPHORVM CONCLAVI

RITE PERACTAM

NVNTIAT

D. GVILIELMVS PISTOTHEVS KRVGIVS

EIVSD. ORD. H. T. DECANVS.

LIPSIÆ

TYPIS STARITZII TYPOGR. ACAD.



DE FORMIS

QVINTVS TITVVS II STVCI SVAVIVM TIVVM

PRINCEPS

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

STVCI SVAVIVM TIVVM

Veteres philosophi, qui non solum in rerum naturalium causas inquirebant ac propterea physici appellabantur, sed etiam vitae humanae, quatenus moribus et legibus regitur, rationes explorabant et propterea ethicorum nomine insigniebantur, a recentioribus eo quam maxime differebant, quod ab initio doctrinae moralis non primam quandam legem, sed potius ultimum quendam finem investigare atque ex hoc demum illam derivare conabantur. Primaria igitur quaestio ethicae antiquae erat haec: *Τι ἐστὶ τὸ τέλος* — *quis est finis?* scilicet omnium actionum humanarum (*τέλος τῶν πράξεων*) vel omnium bonorum, quae homines agendo appetunt (*τέλος τῶν αγαθῶν*). Istum autem finem eandem ob causam *summum* quoque *bonum* (*τὸ ἀκροτατον αγαθόν*) vel *ultimum bonorum* (*τὸ ἐσχατόν τῶν αγαθῶν*) nuncupabant. Hinc et hominem eiusque appetitus cum reliquis animalibus eorumque appetitibus comparare solebant, ut omnium quasi complexum vel fontem bonorum cognoscerent atque exinde illud bonum delibarent, quod homini prae caeteris esset appetendum.

Quamvis autem veteres philosophi in hac quaerendi via et ratione fere omnes convenirent, tamen in constituendo ipso illo bono plurimum a se invicem discedebant. Alii enim voluptatem, gaudium, hilaritatem, felicitatem vel beatitudinem (*ἡδονήν, χαρὰν, εὐθυμίαν, εὐδαιμονίαν, μακαριότητα*) alii indolentiam vel animum omni dolore, angore, terrore liberum (*ἀπονίαν, ἀσχησίαν, ἀθαμβίαν, ἀταραξίαν*)

alii scientiam vel mentis aciem, qua verum cerneretur (*ἐπιστημην, θεωρίαν*) alii virtutem (*ἀρετήν*) sive solam sive cum uno vel altero ex illis coniunctam pro summo bono habebant, ita ut huius boni ideam singuli philosophi secundum suam ipsorum indolem conformasse et, quod cuique commendatissimum esset, id aliis quoque tamquam summum et optimum adeoque omnibus, qui saperent, exoptatissimum commendasse videantur. Fuerunt etiam, qui finem et scopum (*το τέλος και τον σκοπον*) quique finem et, si ita dicere licet, subfinem (*το τέλος και το ὑποτελες vel την ὑποτελίδα*) distinguerent. Conf. harum symbolarum part. III.

Sed nolumus iam hanc rem ipsam, quippe quae longioris est indaginis, ut vel ex CICERONIS libris de finibus bonorum et malorum apparet, pertractare. Id tantummodo nobis est propositum, ut formulas, quibus *philosophi ex porticu* utebantur ad summum bonum definiendum, accuratius exponamus. Quamquam enim *Stoici* in re ipsa fere consentiebant, magnopere tamen dissensisse videntur quoad verba seu formulas, quibus eam enuntiabant. Ne igitur dissensus hic verbalis, ut logici dicunt, habeatur pro reali, quod iam antiquitas factum esse constat: afferamus istas formulas earumque vim penitus exploremus.

Ac primo quidem ZENO CITTIIVS, scholae stoicae clarissimus auctor, summum bonum in eo collocavit, quod uno vocabulo *ὁμολογια* vel (CICERONE de fin. III, 6. interprete) *convenientia* dictum est. Quod quale sit, ex IOANNIS STOBÆI eclogis (II, 7. pag. 132. ed. Heer.) patet, ubi plenior formula, qua ZENO ipse usus esse videtur, his verbis est enuntiata: *Το τέλος ὁ μὲν Ζηνων ὄντως ἀπέδωκε, το ὁμολογουμένως ζῆν. Τούτο δ' ἐστὶ καθ' ἓνα λόγον καὶ συμφωνον ζῆν.* Quapropter illa *ὁμολογια* a quibusdam etiam *συμφωνια*, consonantia, est appellata. Est igitur haec convenientia vel consonantia nihil aliud, quam *perfecta virtus*, certe ex sententia SENECAE. Hic enim in epi-

stola XXXI. ad Lucilium suum disertis verbis ait, perfectam virtutem esse „*aequalitatem ac tenorem vitae per omnia consonantem sibi.*“ Eadem autem *sapientia* quoque dici potest. Nam in epistola XX. idem auctor rectissime ait: „Quid est sapientia? *Semper idem velle, atque idem nolle;* licet illam exceptiunculam non adicias, ut rectum sit, quod velis. Non potest cuiquam semper idem placere, nisi „rectum.“ — Si quis igitur vellet ex ista formula derivare summam legem moralem, haec ita se haberet: *Vive convenienter!* i. e. accomodate ad unam sibi que semper consonam rationem. „Vt enim histrioni actio, saltatori motus, non quivis, sed certus quidam est datus: sic vita agenda est certo genere quodam, non quolibet; quod „genus conveniens consentaneumque dicimus.“ CICERO de finibus III, 7. Neque negari potest, hominem, qui ita vivat, dignum fore, qui ab HORATIO „integer vitae scelerisque purus“ praedicetur.

Verumenimvero ista formula nimis brevis ac simplex, imo ieiuna, quasi succo et sanguine careret, videbatur iis, qui post conditorem scholae stoicae in eadem porticu philosophiam docebant. Emendare igitur eam atque ampliorem facere studebant addito vocabulo *naturae*. Quorum primus fuit CLEANTHES ille celeberrimus, cuius egregium hymnum in deum non ita pridem vernaculo sermone redere conati sumus. Conf. harum symbolarum part. II.

STOBAEVS nempe loco paulo ante laudato hunc in modum pergit: *Οι δε μετα τουτον — ZENONEM puta — προσδιαρθρουντες οντως εξεφερον, ομολογουμενως τη φυσει ζην, υπολαβοντες ελαττον ειναι κατηγορημα το υπο τς Ζηνωνος ρηθεν. Κλεανθης γαρ πρωτος διαδεξαμενος αυτε την ειρεσιν προσεθηκε τη φυσει, και οντως απεδωκε· τελος εστι το ομολογουμενως τη φυσει ζην.* Vnde nata est notissima illa formula legis summae moralis: *Naturae convenienter vive!*

Errat igitur DIOGENES LAERTIVS (VII, 87) qui hanc formulam non solum CLEANTHI, sed etiam ZENONI tribuit, tamquam utrique

communis fuisset. Verba eius sunt haec: *Πρωτος ὁ Ζηνων εν τῷ περι ανθρωπου φυσεως τελος ειπε το ὁμολογουμενωσ τη φυσει ζην, ὁπερ εστι κατ' αρετην ζην. Αγει γαρ προς ταυτην ἡμας ἡ φυσις. Ὅμοιωσ δε Κλεανθης εν τῷ περι ἡδονης.* Provocat quidem auctor ad illius librum de natura hominis, qui, ut alia eiusdem scripta, periit. Quapropter HEERENIVS in editione sua eclogarum stobaeonarum coniicit, fieri potuisse, ut conditor scholae stoicae uno loco scriptorum suorum breviorē formulam (ὁμολογουμενωσ ζην) alio longiorē (ὁμολογουμενωσ τη φυσει ζην) proposuerit. Sed haec coniectura parum est probabilis, cum STOBÆVS, multo accuratior hac in causa quam LAERTIVS, non solum formulas utriusque philosophi distinguat, sed etiam rationem asserat, quae discipulum impulerit, ut a formula praeceptoris discederet aliamque effingeret.

Haec tamen ipsa formula nequaquam est melior, sed potius deterior, quam illa, cum ambiguitate quadam laboret, quae, ut fieri solet in philosophorum scholis, etiam controversiae ansam praebeuit. Quaesitum enim est, de quā natura in hac formula sermo esset, utrum de universa omnibusque rebus communi, an de hominis natura in specie. Ad hanc quaestionem teste eodem LAERTIO ipsi Stoici vario modo respondebant. Ait enim ille (VII, 89): *Φυσιν δε Χρυσιππος μεν εξακουει, ἡ ακολουθως δει ζην, την τε κοινην και ιδιως την ανθρωπινην· ὁ δε Κλεανθης την κοινην μονην εκδεχεται φυσιν, ἡ ακολουθειν δει, ουκετι δε και την επι μερους.*

Verumenimvero haec differentia secundum Stoicorum physiologiam, quae simul theologiam et anthropologiam amplectebatur, non erat magni momenti. Natura enim universa sive *το παν* ex mente illorum philosophorum cum numine divino tam arcte est coniunctum, ut utrumque unum idemque esse dicerent, quamvis diversis nominibus nuncupatum. Ita SENECA de beneficiis IV, 7: „Quid aliud est,”

inquit, „natura, quam deus et divina ratio, toti mundo et partibus „eius inserta?“ Quapropter et Stoici totum mundum *ουσιαν θεου* appellabant et naturalem legem vim divinam vel deum ipsum esse censebant recta imperantem prohibentemque contraria. Conf. DIOG. LAERT. VII, 148. et CIC. de nat. dd. I, 14. Cum autem homo eiusque natura tamquam pars communi illa seu universa natura comprehendatur, secundum eandem doctrinam philosophorum stoicorum naturae convenienter vivere nihil aliud est quam naturali legi vel deo ipsi recta imperanti prohibentique contraria obtemperare, adeoque honeste vivere, virtuti studere, abhorrrere a vitio. Hinc etiam Stoici dicebant, omnes istas formulas, *το ὁμολογουμένως ζῆν, το κατὰ φύσιν ζῆν, το κατ' ἀρετὴν ζῆν, το καλῶς ζῆν, το εὖ ζῆν*, unam eandemque habere vim (*ισοδυναμεῖν*). Conf. STOB. ecl. II, 7. pag. 138.

Nihilo tamen secius CHRYSIPPVS, tertius scholae stoicae praesul, qui porticum Stoicorum ita fulsisse putabatur, ut de eo dicerent: *Εἰ μὴ ἦν Χρυσίππος, οὐκ ἂν ἦν στοα*, novam et meliorem formulam proponere studuit. Conf. CIC. acad. II, 24. LAERT. VII, 87 et 183. STOB. ecl. II, 7. pag. 134. Pergit enim is, quem ultimo loco nominavimus, hunc in modum: *Ὅπερ — nempe id, quod antecessor tamquam τέλος constituerat — ὁ Χρυσίππος, σαφές τερον βουλευμενος ποιῆσαι, ἐξηγεῖται τὸν τρόπον τούτον· ζῆν κατ' ἐμπειρίαν τῶν φύσει συμβαινόντων*. Quis autem est, qui non videat, hanc formulam neque novi neque melioris quid afferre? Naturam enim ipsa quoque commendat tamquam summam normam actionum humanarum. Si vero ea, quae natura accidunt, quatenus experientia duce cognoscuntur, vitam nostram regere debent: nescio an hoc modo certa et constans actionum regula inveniri queat. Ea enim, quae secundum experientiam natura accidunt, sunt tam varia et saepenumero sibi opposita, ut vix quisquam exinde eliciat, qua ratione omni tempore ac loco agendum sit, ut summum finem assequatur.

Idem fere valet de formula **DIOGENIS BABYLONI**, Stoici celeberrimi, qui non solum Athenis philosophiam docuit, sed etiam, una cum **CARNEADE** et **CRITOLAO** ab Atheniensibus Romam missus, ibi cum senatu de rebus publicis transegit. Dixit nempe, finem esse *το ευλογιστειν εν τη των κατα φυσιν εκλογη*, ut **LAERTIVS** ait, vel secundum **STOBAEVM**, *την ευλογιστιαν εν τη των κατα φυσιν εκλογη και απεκλογη*. Huic autem formulae magna ambiguitas inest, ne dicam contradictio. Nam si ea, quae secundum naturam (*κατα φυσιν*) sunt, eligenda sunt, ut naturae convenienter vivas: fieri non potest, ut eadem quoque non eligantur i. e. reiiciantur. Reiicienda potius sunt ea solummodo, quae contra naturam (*παρα φυσιν*). Sin autem illa ipsa, quae secundum naturam, partim eligenda partim reiicienda essent: alia regula adesse deberet, secundum quam electio et reiectio fieret, ut bona ratione vel prudenter (*ευλογως*) eligeres et reiiceres, prout unum alteri praestaret.

Hinc etiam alius Stoicus, **ANTIPATER TARSENSIS**, qui a quibusdam et **SIDONIVS** appellatur, illam formulam, ut videtur, corrigere studens, aliam proposuit. Idem enim auctor (**STOBAEVS** l. l.) refert, hunc philosophum docuisse, finem esse *το ζην εκλεγομενους μεν τα κατα φυσιν, απεκλεγομενους δε τα παρα φυσιν διηνεκως*. Voluit igitur hic Stoicus, ut semper vel continuo (*διηνεκως*) ea, quae secundum naturam, eligerentur, contraria autem reiicerentur. Et recte quidem; alias enim naturae convenienter vivi sapientisque constantia obtineri omnino non posset.

Sed unus adhuc commemorandus est Stoicus, qui a praecedentibus plane discessit, certe quoad verba, quibus formulam suam ad designandum summum bonum composuit. Teste enim eodem auctore, cui etiam **DIOGENES LAERTIVS** (VII, 88) adstipulatur, **ARCHEDEMVS TARSENSIS** statuit, finem esse *το παντα τα καθηκοντα επιτελουντα ζην*. Iam cum *το καθηκον* (quod pertinet ad aliquem vel quod decet

aliquem) apud Graecos in doctrina de moribus idem significet, quod Latini officium dicunt: manifestum est, hunc Stoicum in ratione potius, quae legibus ipsi propriis liberam voluntatem dirigentibus et iura et officia hominum constituit, quam in natura, cuius leges longe aliam vim habent, cum non libertatem sed necessitatem spectent, summum bonum adeoque et summam legem actionum humanarum quae-sivisse. Meliorem igitur ingressus est viam in philosophando de rebus moralibus, quam illi Stoici, qui ambiguum naturae vocabulum formulis suis immiscuerant. Caeterum neque LAERTIUS neque STOBAEUS ullum alium huius scholae philosophum nominat, qui ARCHEDEMI vestigia hac in re persecutus fuerit.

Quapropter eam iam mittamus et ad illud accedamus, cuius causa haec ipsa sunt a nobis scripta.

Maiores nostri voluerunt, ut certo quodam anni tempore ii, quibus ordo noster summos in philosophia honores decrevisset, publice ac solemniter renuntiarentur. Festum autem hoc tempus annuae creationis atque inaugurationis doctorum philosophiae et magistrorum artium liberalium iam rediit. Dum igitur illi maiorum instituto rite obtemperavimus, nihil nobis magis curae cordique fuit, quam ut viros istis honoribus dignos nominaremus eosque VOBIS, RECTOR ACADEMIAE MAGNIFICE, PRINCEPS CELSISSIME, COMITES ILLVSTRISSIMI, PROCERES VTRIVSQVE REIPUBLICAE GRAVISSIMI, COMMILITONES PRAENOBILISSIMI ATQVE AESTVMATISSIMI, omni qua par est observantia commendaremus.

Sed ante omnes commemorandi nobis sunt ii, qui singulari summi numinis favore superstites adhuc sunt ex illorum numero, quos ordo noster ante hos quinquaginta annos iisdem honoribus ornavit:

V I R

ILLVSTRIS ET CONSVLTISSIMVS

GODOFREDVS LVDOVICVS WINCKLER

IURIS VTRIVSQVE ET PHILOSOPHIAE DOCTOR, QVONDAM PROFESSOR IURIS
LIPSIENSIS, NVNC REGI SAXONIAE A CONSILIIS IN REBVS AVLICIS ET
IYDICIARIIS, EQVES ORD. SAXON. VIRT. CIV.

atque

V I R

EXCELLENTISSIMVS ET AMPLISSIMVS

SAMVEL FRIDERICVS GVENTHERVS

W A H L

PHILOSOPHIAE DOCTOR EIVSDEMQUE PROFESSOR PVBLICVS ORDINARIVS IN
VNIVERSITATE LITTERARVM HALENSI CVM EA QVAE OLIM VITEBERGAE
FLORVIT CONIUNCTA.

His igitur viris, qui et de republica et de litteris per longam annorum seriem optime sunt meriti, non solum semisecularia haec gaudia congratulamur, sed etiam senectutem placidam ac vegetam ex animo apprecamur.

Quod autem ad eos attinet, qui hoc ipso anno tabulis publice propositis doctores philosophiae et magistri artium liberalium sunt creati ac denuo in conclavi nostro renuntiati, eorum nomina sunt haec:

VIR PLVRIMVM REVERENDVS EXCELLENTISSIMVS ATQVE
DOCTISSIMVS

CAROLVS CHRISTOPHORVS THEOPHILVS
ZERRENNER

REGI. BORVSS. A CONSILIIS IN CONSISTORIO ET REBVS SCHOLASTICIS, MONASTERII B. MARIAE VIRG. QVOD MAGDEBVRGI FLORET
PRAEPOSITVS, PAEDAG. MONAST. DIRECT. PRIMVS, SEMINARIJ LVDMAGG. REGII SVRDORVMQVE ET MVTORVM SCHOLAE DIRECTOR,
SCHOLARVM MAGDEBVRGG. INSPECTOR, AQVILAE RVBRAE INSIGNIBVS TERT. CLASS. CVM LEMNISCO ORNATVS EQVES, EGREGIJS IN
REM PVBLICAM LITTERARIAM ECCLESIASTICAM ET SCHOLASTICAM MERITIS CLARISSIMVS.

LVDOVICVS AVGVSTVS SIMSON
REGIMONTIQ-BORVSSVS,
THEOLOGIAE CANDIDATVS.

CAROLVS BENIAMIN HOFMANN
DRESDENSIS,
REV. MIN. CANDIDATVS.

CAROLVS LEOPOLDVS WOICKE
SCHOENECCIENSIS,
MVN. ECCLES. CANDIDATVS.

AVGVSTVS OTTO LVDOVICVS GIESE
LVEDERSBVRGENSIS,
COLLABORATOR IN GYMNASIO PARCHIMENSI.

CAROLVS REINHOLDVS IACHMANN
IENCAVIENSIS,
REV. MIN. CANDIDATVS.

IOANNES GVILIELMVS IAECKE

ZWICCAVIENSIS,
THEOLOGIAE CVLTOR.

MAVRITIVS LVDOVICVS WENDT

FRIBERGENSIS,
THEOLOGIAE CVLTOR.

GVILIELMVS KIESER

LONGIPRATENSIS,
PHILOLOGIAE STVDIOSVS.

ROBERTVS GVSTAVVS HERING

BYDISSAS,
MATHESEOS STVDIOSVS.

CAROLVS THEOPHILVS SCHMIDT

NEVSALZA-MISNICVS,
PHILOLOGIAE STVDIOSVS.

MARTINVS HOPPE

CHRISTFELDA-BORVSSVS,
DOCTOR MATHESEOS IN GYMNASIO NEOSTETTINENS.

GVILIELMVS LVDOVICVS PETERMANN

LIPSIENSIS,
MEDICINAE STVDIOSVS.

FRIDERICVS GVILIELMVS FRANCKE

LIPSIENSIS,
REV. MIN. CANDIDATVS.

GEORGIVS ZILLIG

LIPSIENSIS,
THEOLOGIAE STVDIOSVS.

Antiquo denique ritu in conclavi nostro creati ac renuntiati sunt:

CAROLVS HERMANNVS BRVDER

LIPSIENSIS,

THEOL. CAND. SOCIET. EXEGET. ET PAEDAGOGICOCATECHET. SODALIS.

DAVIDES IOANNES HENRICVS GOLDHORN

LIPSIENSIS,

REV. MIN. CAND. ET SOCIET. HISTORICOTHEOL. SODALIS.

IOANNES GODOFREDVS GVENTHER

MOCCAVIENSIS,

REV. MIN. CANDIDATVS.

HERMANNVS IOSEPH

TEURITIO-SAXO,

NOTARIVS PVBLICVS.

IOANNES BENNO KVMMER

DRESDENSIS,

THEOLOGIAE STUDIOSVS.

HERMANNVS GEORGIVS THEODORVS LADEWIG

ROSTOCHIENSIS,

PHILOL. STUDIOS. ET SOCIET. GRAECAE SODALIS.

CAROLVS FRIDERICVS SCHEIBE

GERANVS,

PHILOL. STUDIOS. ET SOCIET. GRAECAE SODALIS.

OTTO HERMANNVS HOEFER

DRESDENSIS,

THEOL. STUDIOSVS.

FRIDERICVS MAVRITIVS PVTZER

BOCKELWITIENSIS,

THEOL. STVD. ET SOCIET. HISTORICOTHEOL. SODALIS.

MAVRITIVS AVGVSTVS BEHR

GERANVS,

THEOLOGIAE STUDIOSVS.

CAROLVS HERMANNVS MEYER

GEITHAINENSIS,

THEOLOGIAE STUDIOSVS.

Hos igitur Viros Clarissimos non iis solum, qui Academiae Ordini-
 nique nostro favent, sed omnibus omnino litterarum artiumque bona-
 rum patronis commendatissimos haberi cupimus.

P. P. in Vniuers. Litt. Lipsiensi Domin. Invoc. A. Ch.
 MDCCCXXXIV.



3 0112 126254298